

20151925300

L I G J PËR NDRYSHIMIN DHE PLOTËSIMIN E LIGJIT PËR AUTOMJETE

Neni 1

Në Ligjin për automjete ("Gazeta Zyrtare e Republikës së Maqedonisë" numër 140/2008, 53/11, 123/12, 70/13, 164/13, 138/14 dhe 154/15), në nenin 66-a paragrafi (1) ndryshohet si vijon:

"(1) Provim profesional nga nenin 66 paragrafi (1) të këtij ligji mund të japë person i cili i plotëson këto kushte:

- të jetë shtetas i Republikës së Maqedonisë,
- të ketë vendbanim në Republikën e Maqedonisë,
- të ketë të mbaruar arsimin specialistik për kontrollor për kontroll teknik të automjeteve,
- të ketë të mbaruar fakultetin e makinerisë, fakultetin e komunikacionit apo fakultetin elektroteknik dhe të ketë stazh pune prej së paku gjashtë muaj nga sfera e automjeteve motorike apo të ketë të mbaruar shkollën e mesme teknike në drejtimin e makinerisë, komunikacionit apo elektroteknikës dhe stazh pune prej së paku dymbëdhjetë muaj nga sfera e automjeteve motorike dhe

- të ketë patentë shoferi për drejtimin e automjetit së paku të kategorisë "B".

Pas paragrafit (1) shtohen tre paragrafë të rinj (2), (3) dhe (4), si vijojnë:

"(2) Me përjashtim nga paragrafi (1) i këtij neni, personat që kanë mbaruar fakultetin e makinerisë, fakultetin e komunikacionit apo fakultetin elektroteknik nuk duhet ta plotësojnë kushtin nga alineja 3.

(3) Personi i autorizuar juridik për kontroll teknik të automjeteve për çdo stacion për kontroll teknik të automjeteve, duhet të ketë kuadër përkatës profesional-udhëheqës dhe dy persona profesionalë për kryerje të kontrollit teknik të automjeteve.

(4) Në rast të pengesës objektive për kryerjen e detyrave të rregullta të punës, personi profesional për kryerje të kontrollit teknik zëvendësohet nga ana e udhëheqësit që i plotëson kushtet për person profesional për kryerje të kontrollit teknik, dhe i cili është i punësuar në stacionin për kontroll teknik por jo më shumë se tridhjetë ditë pune gjatë një viti kalendarik."

Paragrafët (2), (3), (4) dhe (5) bëhen paragrafë (5), (6), (7) dhe (8).

Në paragrafin (4) i cili bëhet paragraf (7) fjala "njëherë" zëvendësohet me fjalën "dy herë".

Në paragrafin (5) i cili bëhet paragraf (8) pas fjalëve: "Ministria e Punëve të Brendshme" shtohen fjalët: "për çka ministri i punëve të Brendshme cakton person përgjegjës i cili përcakton nëse kandidati i plotëson kushtet për dhënie të provimit".

Pas paragrafit (5) i cili bëhet paragraf (8) shtohet paragraf i ri (9) si vijon:

"(9) Në bazë të revizionit të kryer dhe azhurnimit të bazave të pyetjeve, Komisioni vendos më së paku 30% të pyetjeve të ndryshohen ose plotësisht të mënjanohen, apo të zëvendësohen me të reja nga bazat nga paragrafi (6) të këtij neni."

Paragrafët (6), (7) dhe (8) bëhen paragrafë (10), (11) dhe (12).

Pas paragrafit (12) shtohen dy paragrafë të rinj (13) dhe (14) si vijojnë:

"(13) Me gjobë në shumë prej 1.000 deri në 2.000 euro në kundërvlerë me denarë do të dënohet personi nga paragrafi (8) të këtij neni i cili do të lejohet të japë provim kandidat i cili nuk i plotëson kushtet të përcaktuara të këtij ligji.

(14) Personit përgjegjës nga paragrafi (8) të këtij neni për çdo sesion të mbajtur të provimeve i takon kompensim në para, në shumë prej një të tretës të neto rrogës mesatare në Republikën e Maqedonisë, për çka Ministria e Punëve të Brendshme miraton aktvendim."

Neni 2

Në nenin 66-b paragrafi (1) ndryshohet si vijon:

„Provim profesional nga neni 66 paragrafi (2) të këtij ligji mund të japë personi që i përmbush kushtet në vijim:

- të jetë shtetas i Republikës së Maqedonisë,
- të ketë vendbanim në Republikën e Maqedonisë,
- të ketë të mbaruar fakultetin e makinerisë, fakultetin e komunikacionit apo fakultetin elektroteknik dhe të ketë stazh pune prej së paku gjashtë muaj nga sfera e automjeteve motorike apo të ketë të mbaruar shkollën e mesme teknike në drejtimin e makinerisë, komunikacionit apo elektroteknikës dhe stazh pune prej së paku dymbëdhjetë muaj nga sfera e automjeteve motorike.“

Në paragrafin (4) fjala “njëherë” zëvendësohet me fjalën “dy herë”.

Në nenin (5) pas fjalëve "Ministria e Ekonomisë" shtohen fjalët: "për çka ministri i Ekonomisë cakton person përgjegjës i cili përcakton nëse kandidati i plotëson kushtet për dhënien e provimit".

"(6) Në bazë të revizionit të kryer dhe azhurnim të bazave të pyetjeve, Komisioni vendos më së paku 30% të pyetjeve të ndryshohen ose plotësisht të mënjanohen, zëvendësohen me të reja nga bazat nga paragrafi (3) të këtij neni."

Paragrafi (6) bëhet paragraf (7).

Në paragrafin (7) i cili bëhet paragraf (8) fjalët: "punë të brendshme" zëvendësohen me fjalën "ekonomi".

Paragrafi (8) bëhet paragraf (9).

Pas paragrafit (9) shtohen dy paragrafë të rinj (10) dhe (11) si vijojnë:

"(10) Me gjobë prej 2.000 deri në 3.000 euro në kundërvlerë me denarë do të dënohet personi nga paragrafi (5) të këtij neni i cili do të lejojë provimin ta japë provim kandidat i cili nuk i plotëson kushtet të përcaktuara të këtij ligji.

(11) Personit përgjegjës nga paragrafi (5) të këtij neni për çdo sesion të mbajtur të provimeve i takon kompensim në para, në shumë prej një të tretës të neto rrogës mesatare në Republikën e Maqedonisë, për çka Ministria e Ekonomisë miraton aktvendim."

Neni 3

Në nenin 66-v paragrafi (1) shlyhet.

Paragrafët (2) dhe (3) bëhen paragrafë (1) dhe (2).

Paragrafi (4) i cili bëhet paragraf (3) ndryshohet si vijon:

"Kandidatët të cilëve u është lejuar kërkesë për dhënie të provimit dhe publiku informohen për datën dhe kohën e dhënies së provimit nëpërmjet ueb faqes së Ministrisë së Punëve të Brendshme dhe Servisit publik radiodifuziv"

Pas nenin (3) shtohet paragraf i ri (4) si vijon:

"(4) Kandidatët të cilëve u është lejuar kërkesë për dhënie të provimit dhe publiku informohen për datën dhe kohën e dhënies së provimit nëpërmjet ueb faqes së Ministrisë së Ekonomisë dhe Servisit publik radiodifuziv."

Pas paragrafit (9) shtohen shtatë paragrafë të rinj (10), (11), (12), (13), (14), (15) dhe (16) si vijojnë:

"(10) Anëtarëve të Komisionit për dhënie të provimit nga paragrafi (9) të këtij neni për çdo sesion të mbajtur të provimeve nga neni 66 paragrafi (1) të këtij ligji u takon kompensim në para, në shumë prej një të tretës të neto rrogës mesatare në Republikën e Maqedonisë, për çka Ministria e Punëve të Brendshme miraton aktvendim.

(11) Anëtarëve të Komisionit për dhënie të provimit nga paragrafi (9) të këtij neni për çdo sesion të mbajtur të provimeve nga neni 66 paragrafi (2) të këtij ligji u takon kompensim në para, në shumë prej një të tretës të neto rrogës mesatare në Republikën e Maqedonisë, për çka Ministria e Ekonomisë miraton aktvendim.

(12) Personi i autorizuar juridik i cili teknikisht e zbaton provimin është i obliguar ta bllokojë shtrirjen e radio frekuencave në hapësirën për dhënie të provimit.

(13) Agjencia për komunikime elektronike (në tekstin e mëtejme: AKE) kryen monitorim të përhershëm të bllokimit të shtrirjes së radio frekuencave në hapësirën për dhënie të provimit, me qëllim të pengohet çfarëdo qoftë lloj i komunikimit elektronik me rrethinën jashtë hapësirës për dhënie të provimit.

(14) AKE në hapësirën për dhënie të provimit instalon pajisje matëse e cila siguron regjistrim elektronik nga matjet të kryera në kohëzgjatje prej 30 ditë, dhe të njëjtat magazinohen në sistemin qendror kontrollues të AKE.

(15) AKE formon komision tre anëtarësh i cili përpilon raport në bazë të shkresave elektronike të magazinuara në sistemin qendror të kontrollit të AKE dhe i njëjti për provimin nga nenin 66 paragrafi (1) të këtij ligji e dorëzon te Ministria e Punëve të Brendshme dhe për provimin nga nenin 66 paragrafi (2) të këtij ligji e dorëzon te Ministria e Ekonomisë më së voni në afat prej 15 ditë nga përfundimi i provimit.

(16) Gjobë në shumë prej 10.000 euro në kundërvlerë me denarë do t'i shqiptohet personit të autorizuar i cili teknikisht e zbaton provimin nga nenin 66-a paragrafi (5) dhe nenin 66-b paragrafi (5) të këtij ligji nëse nuk e bllokoi shtrirjen e radio frekuencave në hapësirën për dhënie të provimit."

Paragrafët (10) dhe (11) bëhen paragrafë (17) dhe (18).

Neni 4

Në nenin 66-g në paragrafin (6) pika në fund të fjalisë shlyhet dhe shtohen fjalët: "edhe i shqiptohet ndalesë për dhënie të provimit nga nenin 66 paragrafi (1) dhe paragrafi (2) të këtij ligji dhe kohëzgjatje prej tre vjet, për çka Ministria e Punëve të Brendshme ose Ministria e Ekonomisë miraton aktvendim kundër të cilit mund të ngrihet kontest administrativ para gjykatës kompetente në afat prej 30 ditëve nga dita e pranimit të aktvendimit."

Pas paragrafit (10) shtohen dy paragrafë të rinj (11) dhe (12) si vijojnë:

"(11) Gjobë në shumë prej 2.000 deri në 3.000 euro në kundërvlerë me denarë do t'u shqiptohet përfaqësuesve të autorizuar nga neni 66-v paragrafi (9) të këtij ligji nëse lejojnë kandidati të veprojnë në kundërshtim me paragrafët (2) dhe (3) të këtij neni.

(12) Gjobë në shumë prej 100 deri në 200 euro në kundërvlerë me denarë do t'i shqiptohet kandidati i cili vepron në kundërshtim me paragrafët (2) dhe (3) të këtij neni."

Neni 5

Në paragrafin 66-ll në paragrafin (3) fjalët: "punë të brendshme" zëvendësohen me fjalën "ekonomi".

Paragrafi (4) ndryshohet si vijon:

"Komisioni për revizion nga paragrafi (2) të këtij neni mblidhet pas çdo provimi të mbajtur dhe kryen revizion të zbatimit të provimit, duke përfshirë edhe nëse provimin e kanë dhënë kandidatë të cilët i plotësojnë kushtet për dhënie të provimit në pajtim me nenin 66-a paragrafi (1) të këtij ligji, për çka dorëzon raport te ministri për Punë të Brendshme."

Paragrafi (5) ndryshohet si vijon:

"Komisioni për revizion nga paragrafi (3) të këtij neni mblidhet pas çdo provimi të mbajtur dhe kryen revizion të zbatimit të provimit, duke përfshirë edhe nëse provimin e kanë dhënë kandidatë të cilët i plotësojnë kushtet për dhënie të provimit në pajtim me nenin 66-b paragrafi (1) të këtij ligji, për çka dorëzon raport te ministri për ekonomi."

Paragrafi (6) ndryshohet si vijon:

"Anëtarëve të komisioneve nga paragrafët (2) dhe (3) të këtij neni u takon kompensim në para i cili në nivel vjetor është një rrogë neto mesatare në Republikën e Maqedonisë, për çka ministria kompetente miraton aktvendim."

Në nenin (11) shtohet paragraf i ri (12) si vijon:

"(12) Me gjobë prej 2.000 deri në 3.000 euro në kundërvlerë me denarë do të dënohen anëtarët të komisioneve nga paragrafët (2) dhe (3) të këtij neni nëse përcaktojnë parregullsi në zbatimin e provimit, ndërsa atë nuk e konstaton në raportin të cilin e dorëzojnë te ministri kompetent."

Neni 6

Ky ligj hyn në fuqi në ditën e tetë nga dita e botimit në "Gazetën Zyrtare të Republikës së Maqedonisë".